



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1000. Usque Ad Annum 1063

Fleury, Claude

August. Vind. [u.a.], 1761

VD18 90117956

§. 42. Papa Saracenos depellit.

[urn:nbn:de:hbz:466:1-66323](https://nbn-resolving.org/urn:nbn:de:hbz:466:1-66323)

Sæculum XI. Moguntinus, Altmannus Passaviensis & A.C. 1016. complures alii prodierunt. S. Meinvercus vero postquam Ecclesiam Paderbornensem annis viginti septem rexisset, Sabbato Pentecostes anno millesimo trigesimo sexto die quinta Junii ad Superos translatus est.

§. XLII.

Papa Saracenos depellit.

Ditm. lib. 7. p. 96. Anno 1016. Saraceni Italiæ litora invadentes Lunam civitatem in Thusciam capiunt, Episcopum fugant, atque illa regione potiuntur. Quod cum publica fama ad Benedictum Papam detulisset, missis ad Episcopos & Ecclesiarum Defensores mandatis omnes cum armatis ad se venire præcipit, sperans, adjuvante Deo, Mahometanos non vinci modo, sed etiam deleri posse. Simul maximam quam poterat lemborum multitudinem arcano consilio præmittit, quo fugientibus via maritima occluderetur. Cum nihilominus Rex Saracenorum cognovisset, se in periculo versari, ne libertas fugiendi sibi præriperetur, paucis comitantibus evasit. Ipsi vero milites in unum agmen collecti in Christianos irruunt, & per triduum eos proeliis sternunt. Sed tandem variante fortuna in fugam acti Infideles instantibus Romanis ad unum omnes cæduntur. Nemo inter-

interfectorum numerum inire, nemo spoli-
 orum molem satis æstimare potuit. Capta Saracenorum Regina, ut audaciæ pœ-
 nas daret, capite truncatur. (*) Papa ve-
 ro capitis muliebri ornamentum aureum
 & gemmis distinctum sibi vindicavit, &
 prædæ partem, quæ mille libris computa-
 batur, Imperatori transmissit. Spoliis inter
 victores divisis, Christiani ad propria te-
 cta remeantes, Deo gratias læti canebant.
 At Saracenorum Rex uxoris supplicio &
 exercitus jactura attonitus, misso ad
 Pontificem sacco castaneis referto, signi-
 ficari jubet, se proxima æstate tot nume-
 ro loricatos in aciem educendum esse.
 Remisit Pontifex exiguum saccum milio
 plenum, & responderi præcepit, redi-
 ret ad diripiendum secundo S. Petri Pa-
 trimonium, si e re sua facturum se crede-
 ret, sed sciret, totidem vel plures arma-
 tos irrumpentem excepturos.

Sub idem tempus Romæ terra in Pa-
 rasceve statim post Adorationem Crucis
 violento motu concussa est, cumque qui-
 dam Judæus de Synagoga Græcorum ad
 Papam detulisset, quod illa ipsa diei ho-
 ra gentis suæ homines Imaginem Cruci-
 fixi

Sæculum XI.
 A.C. 1016.

Clivo. Adem.
 p. 177.

(*) Ignobilis in feminam captam vindicta!
 Quamquam enim viri, feminæve, more Amazo-
 num in acie pugnantes, sterni possint, devictis
 tamen & captivis parcere gloriosius.

Sæculum XI. A.C. 1016. fixi ludibrio haberent, & Papa missis exploratoribus comperisset, constare de indicii veritate, illutores ad mortem damnavit, quibus capite (*) plexis, quievit terra & ventorum furor cessavit.

§. XLIII.

Normanni in Italia.

Glab. III. *c. I.* Inter hæc Romam advenit vir nobilis natione Normannus nomine Rudolphus, qui cum Richardum Ducem Normanniæ acriter offensum haberet, relicta patria, omnia sua, quæ loco moveri poterant, avexerat. Ei Pontifex adversæ fortunæ vices sibi narranti bellicæ artis peritissimum cognoscens, exposuit, Occidentis Imperium a Græcis laceffi. Quippe Basilius Imperator missis ad *Catapan* suum, id est, exiguæ regionis in Italia, quæ sibi parebat, præfectum, mandatis, tributa exigere jusserrat, atque ille imperata facturum provinciæ Beneventanæ partem in suam potestatem redegerat. Ergo querebatur apud Rudolphum Papa, deesse sibi in illa regione virum, qui Græcos depelleret. Condixit operam Normannus, atque Beneventum a Papa missus, Italos ea fortitudine & prudentia

(*) Hic primo clarissimum occurrit exemplum, Summum Pontificem potestate Principis Sæcularis in maleficos usum fuisse.